



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Thomæ A Kempis Can. Reg. S. Augustini. De Imitatione Christi Libri Quatuor

Thomas <von Kempen>

Augustæ Vindel., 1772

Caput XLIX. De desiderio æternæ vitæ: & quanta sint certantibus
promissa.

[urn:nbn:de:hbz:466:1-45780](https://nbn-resolving.org/urn:nbn:de:hbz:466:1-45780)

CAPUT XLIX.

*De desiderio æternæ vitæ: Et quanta
sint bona certantibus promissa.*

I. **F**ili, cum tibi desiderium æternæ beatitudinis desuper infundis, & de tabernaculo corporis exire concupiscis, ut claritatem meam sine vicissitudinis umbra contemplari possis; dilata cor tuum, & omni desiderio hanc sanctam inspirationem suscipe.

Redde amplissimas supernæ bonitati gratias, quæ tecum sic dignanter agit, clementer visitat, ardentem excitat, potenter subleuat, ne proprio pondere ad terrena labaris.

Neque enim hoc cogitatu tuo, aut conatu accipis, sed sola dignatione supernæ gratiæ & divini respectus: quatenus in virtutibus, & majori humilitate proficias, & ad futura certamina te præpares, mihi que toto cordis affectu adhærere, ac ferventi voluntate studeas deservire.

2. Fi-

2. Fili, sæpe ignis ardet, sed sine fumo flamma non ascendit.

Sic & aliquorum desideria ad cœlestia flagrant, & tamen a tentatione carnalis affectus liberi non sunt.

Idcirco nec omnino pure pro honore Dei agunt, quod tam desiderantes ab eo petunt.

Tale est & tuum sæpe desiderium, quod insinuasti fore tam importunum.

Non enim hoc est purum & perfectum, quod propria commoditate est infectum.

3. Pete, non quod tibi est delectabile et commodum, sed quod mihi est acceptabile atque honorificum: quia si recte iudicas, meam ordinationem tuo desiderio, & omni desiderato præferre debes ac sequi.

Novi desiderium tuum, & frequentes gemitus audivi.

Jam velles esse in libertate gloriæ filiorum Dei, jam te delectat domus æterna, & cœlestis patria gaudio
ple-

plena, sed nondum venit hora ista: sed est adhuc aliud tempus, scilicet tempus belli, tempus laboris & probationis.

Optas summo repleti bono, sed non potes hoc assequi modo.

Ego sum: exspecta me (dicit Dominus) donec veniat regnum Dei.

4. Probandus es adhuc in terris, & in multis exercitandus.

Consolatio tibi interdum dabitur, sed copiosa satietas non concedetur.

Confortare igitur, & esto robustus tam in agendo, quam in patiendo naturæ contraria.

Oportet te novum induere hominem, & in alterum virum mutari.

Oportet te sæpe agere, quod non vis; & quod vis oportet relinquere.

Quod aliis placet, processum habebit: quod tibi placet, ultra non proficiet.

Quod alii dicunt, audietur: quod tu dicis, pro nihilo computabitur.

Pe-

Potent alii, & accipient; tu petes, & non impetrabis.

5. Erunt alii magni in ore hominum, de te autem tacebitur.

Aliis hoc, vel istud committetur, tu autem ad nihil utilis iudicaberis.

Propter hoc natura quandoque contristabitur, & magnum certamen sustinebit: sed magnum, bonum consequeris, si silens portaveris.

In his & similibus multis probari solet fidelis Domini servus; qualiter se abnegare, & in omnibus frangere quiverit.

Vix est aliquid tale, in quo tantumdem mori indiges, sicut videre & pati, quæ voluntati tuæ adversa sunt: maxime autem cum disconvenientia, & quæ minus utilia tibi apparent, fieri jubentur.

Et quia non audes resistere altiori potestati sub dominio constitutus: ideo durum tibi videtur, ad nutum alterius ambulare, & omne proprium sentire omittere.

6. Sed

6. Sed pensa, fili, horum fructum laborum celerem finem, atque præmium nimis magnum: & non habebis inde gravamen, sed fortissimum patientiæ tuæ solamen.

Nam & pro modica hac voluntate, quam nunc sponte deseris, habebis semper voluntatem tuam in cœlis.

Ibi quippe invenies omne, quod volueris, omne, quod desiderare poteris.

Ibi aderit tibi totius facultas boni sine timore amittendi.

Ibi voluntas tua una semper mecum nil cupiet extraneum, vel privatum.

Ibi nullus resistet tibi, nemo de te conqueretur, nemo impediet, nihil obviabit: sed cuncta desiderata simul erunt præsentia, totumque affectum tuum reficient, & adimplebunt usque ad summum.

Ibi reddam gloriam pro contumelia perpeffa; pallium laudis pro mœrore;

rore;

rore; pro loco novissimo sedem regni in secula.

Ibi apparebit fructus obedientiae, gaudebit labor poenitentiae, & humilis subjectio coronabitur gloriosa.

7. Nunc ergo inclina te humiliter sub omnium manibus: nec sit tibi curae, quis hoc dixerit vel iusserit.

Sed hoc magnopere curato, ut si ve praelatus, seu junior, aut aequalis aliquid a te exposcerit, vel innoverit: pro bono totum accipias, & sincera voluntate studeas adimplere.

Quæret alius hoc, alius illud: gloriatur ille in illo, & iste in isto, laudeturque millies mille, tu autem nec in isto, nec in illo, sed in tui ipsius gaude contemptu: & in mei similis beneplacito ac honore.

Hoc optandum est tibi, ut si per vitam, si per mortem, Deus semper in te glorificetur.

Qua
I. D
nedict
est: &
Læt
se, ne
lus læ
rona m
nor m
Qui
a te a
Tua
quæ f
Pau
a juve
ma m
cryma
batur a
fiones
2. I